

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Quæst. XXVI. De Vicario & Officiali.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

poenam, quæ non incurritur *ipso facto*, quoad Curatos Ecclesiarum Collegiatarum; contrarium verò effectum habet, quoad ceteros. *Quinta* reprobatur ab Autore; nempe, vitari poenam, cum anno elapsus eadem Parochia rursus impetratur, quod tolerari non potest, quin eludatur Lex, sicutque inutilis: *Tertia* sumpta ex eo, quod annus integer non sit elapsus, ad rem non facit, cum de anno completo agatur.

Laudatus in REG. V. Textus, legi meretur; is remedium afferat corruptela gravissimæ circa Commandas Curaram, qua dabantur ad compendium Comitatem datarii, qui non habebat qualitates ad possidendum in Titulum requisitas; Commanda diu durabat, & forte non cessabat, nisi cum alia occurreret Parochia, qua eidem Personæ in Commandam daretur, eundem ob finem.

QUEST. XV. XVI. Diaconi, Subdiaconi.

Has Quæstiones conneictimus, circè quas pauca dicenda sunt: Regulæ nihil nisi vulgare & cognitum continent nempe, utrosque teneri ad continentiam, perinde ac Sacerdotes, & cum hi subjiciantur Episcopo, Subdiaconi Diaconis, & Diaconi Presbyteri sub sunt. De eorum Origine disseritur DIST. XXI. & de eorum Ordinatione DIST. XXII. Habent illi functiones distinctas quoad Missam, magis aut minus insignes pro majori, aut minori Ordinis sui dignitate. Idem est de eorum Vestibus, dum Sacris funguntur. Impedimenta, quæ excludunt à Sacerdotio, accent à Diaconatu & Subdiaconatu. Ambo hi Ordines sunt Sacri, perinde ac Sacerdotium.

Diaconus nihil habet speciale, nisi quod Stolam transversam gerat à sinistrâ ad dexteram, gerat Albam tempore Oblationis aut Missæ, & canendo vel recitando Lectiones; sedeat post Presbyterum, extrâ Casu, in quibus Metropolitani locum tenet; olim Septem duntaxat in singulis Ecclesiis esse potuerint; non posse uti Caligis, qua vocantur Compages; non potuerit, nec posse obire functiones Ordinibus Superioribus reservatas, extra quosdam casus necessitatis, nempe, baptifare, & distribuere Sanguinem CHRISTI. Can. 13. 18. Dist. XCIII. custodia Episcopi invigilaverit.

Peculiaria Subdiaconi sunt; accipere Oblationes Fidelium, easque Diacono remittere; ferre Calicem & Patenam ad Altare, eosque Diacono tradere; præparare aquam cum Urceolis & Mantili. Admissus non est in locum, in quo Vasa Sacra asservabantur, nisi ex quo Subdiaconatus inter Sacros Ordines fuit relatus; ipsi prohibetur gestare Stolam & relinquere curam ostiorum, nec non distribuere res à Sacerdotibus consecratae.

QUEST. XVII. ad XXV. Acolyti, Exorcistæ, Lectores, Psalmista, Primicerius, Thesaurarius, Sacristæ, Custos, Ostiarius.

Has quæstiones congregamus, idcirco quod Autor indicet solum Textus horum Ordinum, vel Officiorum mentionem facientes; quâpropter sufficit observare, 1. prohiberi Acolyto id, quod supra Subdiacono fuit interdictum, nempe distributionem rerum à Sacerdotibus consecratarum. 2. Exorcismus Baptismi, de quo loquitur REG. V. hujus Quæstionis, noui est is, qui fiebat ab Exorcistâ, qui Demones à Personis corporaliter possesis ejiciebat. 3. REG. II. interdict Lectori usum Stole, quem REG. V. Quæst. VI. prohibuit Subdiacono. REG. III. Quæst. XIX. eum pariter prohibet Psalmista. REG. IV. circa Lectores præcipit, ut XXV. annos nati sint. Et REG. X. circa Subdiaconum XX. annos solum requirit, quamvis Subdiaconatus Lectoratu sit superior.

QUEST. XXVI. de Vicario & Officiali.

Multiplex Vicariorum genus distinguere oportebat, ad sternendam viam Regulis, quæ de iis loquuntur, omisso distinctione. Pontifex habet Vicarium pro Urbe Româ: Episcopi Vicarios habent ad exercitium Jurisdictionis voluntarie, sicut Officiales, ad exercitium Jurisdictionis contentiose. Dignitarii & Canonici, quorum Præbendis unitæ sunt Parochie, Vicarios habent in illis Parochii. Curati, seu Parochi, duas Vicariorum species habent: alios, quibus Munera sua in Casu absentia committunt; alios, quorum auxilio utuntur in iisdem functionibus, cum magna est Parochianorum copia, vel plurimorum nimia distantia ab Ecclesia Parochiali. Inter illas Vicariorum species, quidam sunt perpetui: & hi revocari nequeunt à Successoribus eorum, qui ipso instituerunt aut elegerunt. Tales sunt, juxta Canonum mentem, ii, qui instituuntur in Parochiis, quæ Dignitatibus, aut Præbendis, aut Monasteriis, aliisve Corporibus unitæ sunt.

Hi Vicarii, perinde ac Curati Parochiarum non unitarum, habent etiam Vicariorum duplēm speciem, alii sunt illorum Adjutores duntaxat, alii locum illorum tenent & sunt Vicarii Primarii, vocanturque *Deservientes*. Idem est de Vicariâ perpetuâ, ac de Cura, seu Parochiâ; amba sunt incompatibilis. Sine his observationibus vix utiles esse possunt hujus Quæstionis REGULÆ XI.

Prima Regula est imperfecta, dicendo, quod, regulariter loquendo, licet uti Vicario: adjiciendum erat in Casibus legitimi impedimenti, aut nimiarum occupationum, quæ sine auxilio impleri nequeunt: inde nascuntur Exceptions. Except. I. respuit eos, qui plures habent Dignitates, sine justâ causa & legitimâ autoritate: nam talium Beneficiorum pluralitas verita est; ideoque Dignitatem unam dimittere oportet, & per seipsum ministrare in aliâ, quæ retinetur; agitur enim de munere Personalis. Except. II. referatur ad primam: ambæ spectant Casum defectus impedimenti legitimi. Except. III. falsa est: nam licet, in Casu justi impedimenti, ministrare in Parochia per Vicarium; Autor perperam intellexit Canonem, qui Presbyteros amovibiles constitui vetat in Parochiis, Ministrorum perpetuorum loco. Replicatio continetur in Regulâ amplitudini sue restituta.

Quod dicitur in REG. II. Vicarium non posse substituire Vicarium sine licentiâ speciali; restringi debet ad Casus, in quibus Vicarium sibi similem substitueret: nam Vicarius Generalis, quoad aliquod negotiorum genus, delegare potest quedam ex iis; & Delegatus, est Vicarius, ideo quod vices gerat. Legem est in REG. III. Vicarias, pro Vicarios: præterquam quod enim Textus laudatus loquitur nominatim de Vicariâ, & non de Vicario, falsum est, eum, qui satis negotiorum habet ad distingendas plures Personas, non posse habere plures Vicarios, tales sunt Metropolitani, qui plures habent Suffraganeos; Episcopi, quorum Diœcesis latè patet; Parochi, quærum Ecclesiæ Plebe copiosâ abundant.

REG. IV. V. VI. relippunt Vicarios perpetuos, qui similes sunt Curatis; nequeunt possidere Curas, neque revocari, neque deserere servitum Parochie suæ & percipere ejus reditus. Idem est de REG. XI. quæ prohibet unire Personatum cum Vicariâ, ratione incompatibilitatis Officiorum. Nomen Personæ tribuitur ei, cuius Vicarius locum tenet. REG. VIII. & IX. reducuntur ad unicam; nempe, esse res, quæ Commissionem specialem poscent; ideoque non continentur in Commissione generali. REG. VII. quæ loquitur solum de Vicario Pontificis, locum habet ergâ quemlibet alium, cuius Commissione certo loco circumscribitur.

REG. X. locum habet quoad Vicarium quemvis, qui alienam Jurisdictionem exercet, qui non est particeps delicti, cuius ratione Delegans excommunicatus est, & qui proinde nihil amittere potest nisi id, quod ab hoc accepérat, quo, per excommunicationem exiuitur.

D d 4

QUEST.

QUÆSTIO XXVII. ABBAS.

Autor confundit Ordinationem, quæ est Beneficium Abbatis electi, cum Electione. Multas res scitu dignas omittit. REGULÆ XI. per quas Argumentum exponit, non disponuntur juxta ordinem naturalem, non incipiendo, ut facto opus erat, à qualitatibus Jure Communi requisitis ad Abbates (nempè esse ex ipso Monasterio & non extraneo, unde sequitur, Clericum Sacerdotem ab eis excludi, ita, ut postulari tantum possit, perinde ac Monachus extraneus; bonis moribus esse commendatum; bona conversatio in Monasterio:) & aliis dotibus, quæ enumerantur in *Can. 3. 4. Caus. XVIII.* QUÆST. II. quos laudat. Post sermonem de Electione, & de iis, per quos fieri debeat: videlicet, per Conventum; loqui opus erat de Ordinatione, quæ fit ab Episcopo. His duobus Capitalibus subjici debebant ea, quæ pertinent ad Abbatis Officia; nempè, manere cum Religiosis; non pati, ut vagi sint; obedientiam sibi conciliare; non admittere Monachos alienos; coire quotannis cum aliis Abbatis; non habere plures Cellulas, neque plura Monasteria, quæ sint ab invicem independentia; subesse Episcopo, si agatur de Abbatie, qui non est Exemptus.

Cùm Abbas reus fuit per violationem Officiorum suorum, post illorum enumerationem, differendum erat de punitione Abbatis; per quem exerceri debeat; quæ pena sit illi infligenda: Plura non reperiuntur in illis Regulis, quarum Summan attulimus cum methodo, quæ disponi possint, ut debitum ordinem obtineant, valde discrepantem ab eo, quem hic habent.

Sola Regula III. Exceptiones habet: ea pertinet ad Electores. Exceptio I. respicit Casum, quo Jus eligendi amiserunt ob sua crima; Exceptio II. Casum, quo Abbas in Superiore dandus est Monialibus. *Can. 11. Caus. XVIII.* non loquitur de Abbatie, sed de Superiori; verum hinc Superior denominari potest Abbas, sicut in Titulo vocatur Præpositus: Moniales, de quibus loquitur, subditæ erant Episcopo; ideoque Episcopus eis Superiorem providere tenebatur.

QUÆST. XXVIII. Usque ad XXXV.

Regula, quæ hinc colliguntur, indicant solum Textus Argumento Quæstionis congruos. Sufficiet observare, per Monachos Nigros intelligi BENEDICTOS: Privilégium Templariorum & Hospitaliariorum celebrandi semel in anno in Locis interdictis, transfixo in Jus Communum, & notable incrementum accipisse, *Cap. 24. de Sent. Excomm.* in 6. plures alios in Corpore Juris extare Textus circa Argumentum uniuscujusque Quæstionis, quam qui hinc indicantur. Illi collecti atque expositi sunt in nostris Regulis circa Religiosos.

QUÆST. XXXVI. circa Feminas Ecclesiasticas & Moniales. XXXVII. Abbatissam. XXXVIII. Diaconissam.

Regula duarum novissimarum Quæstionum ferè singula indicant solum Textus Argumento affines; multi tamen omittuntur: idem ferè est de Regulis XIX. Quæst. XXXVI. multum abest, ut in eâ laudentur omnes Textus, qui ad Ecclesiasticas mulieres pertinent; nihil enim hinc occurrit circa Canonissas, & nihilominus in Corpore Juris multi Canones de ipsis loquuntur, ut patet ex nostro *Tractatu de Canonissis*.

Contenta in his Regulis rectius ordinari potuissent, ex reducendo ad ea, quæ respiciunt 1. Earum nomina, *Sanctimonialium, Monialium, Religiosarum.* 2. Receptionem earum, 3. earum Professionem per impositionem Veli; 4. Consecrationem. 5. Earum Superiorem; 6. Earum Visitationem; Officia sive

communia cum Monachis, sive ipsis peculiaria. 7. Punitiō eorum, qui eas corruptunt.

Pleraque Regulae verlantur circa Officia, quorum præcipua sunt. 1. Ut earum Monasteria à Claustris Monachorum sint remota. 2. Ut vitent colloquia & confabulationes cum illis. 3. Ne cantent Officium in eodem Choro cum Clericis, nec cum Monachis. 4. Ne cubent in eodem Lecto cum viris quibuscumque. 5. Ne Domos separatas habeant. 6. Ne tangent Ornamenta Altaris, neque Vasa Sacra. 7. Ne Thus circa Altare gerant. 8. Ne Viros in Conventu doceant. 9. Ne rūbant. 10. Orent & ferant Vestes conditioni sue congruas. 11. Ne egrediantur. REG. XV. ferens, observandum esse, quoad Moniales, id, quod præcipitur erga Monachos, restringi debet ad ea, quæ præcipiuntur *Cap. ult. de Statu Monach.* à quo illa desumpta est, quod nominatim excipit omnia capita, quæ Religiosarum statui non sunt apta: quoad reliqua generaliter affirmare possumus, idem esse de Monialibus ac de Monachis, quoad ea, quæ pertinent ad substantiam Statutis Religiosi in Tribus Votis confitemem.

Textus laudatus in REG. II. desumptus est à Concilio Hispanensi, quod Moniales Provinciæ Monachorum directione subiecti, cum necessariis cautionibus, ad præmuniendos utrosque adversus periculum mutua frequentationis. Is legi meretur.

OBSERVATIONES IN CAP. XII. DE BONIS ECCLESIASTICIS IN GENERE.

Per *Bona Ecclesiastica* intelligitur hinc, quidquid pertinet ad Loca Divino Cultui, Piis-ve Operibus consecrata. Nomen, *Ecclesia*, hinc generale est, & complectitur omnia ejusmodi Locorum genera; nempe, Monasteria, vel Domus Religiosas, sub quibus continentur Hospitalia, varizque eorum species; Capellas; Oratoria; necnon Ecclesias Cathedrales, Collegiatas, Parochiales. Quæ pertinent ad hanc Loca, sunt Mobilia, vel Immobilia. Fructus Naturales, vel Civiles Immobilium, sunt bona Mobilia. Pecunia, quamvis ex naturâ suâ si Mobilis, fit nihilominus bonum Immobile, si convertatur in jus pensionem annuum pariens. Cùm beneficia sint Officia, quibus annexi sunt aut certi fundi, vel certi reditus ex illis fundis provenientes, aut certa iura percipiendi aliquos fructus, putâ Jus Decimarium percipiendarum, aut Oblationum, aut Primitiarum; Beneficia numerantur inter Ecclesiastica bona, sed duntaxat quatenus habent Temporale, quod in eis merum est accessorum: proinde Textus, qui de Beneficiorum distributione loquuntur, alieni sunt Argumento hujus *Capitis*, quod bona Ecclesiastica in seipso considerat.

Secùs est de Textibus, qui loquuntur de Juribus Beneficiorum: nam Jus administrandi certa bona unum est ex præcipuis Juribus Ecclesiasticis; & duplex est: aliud speciale unicuique Beneficiato competens, & limitatum ad portionem bonorum, quæ ejus Beneficio annexa sunt, quibus uti debet sicut diligens Paterfamilias, invigilando eorum conservationi, ac etiam incremento, prout poterit: aliud generali est, & pertinet ad solos Prælatos, qui Jurisdictionem habent in Beneficia in suo districtu sita; tales sunt imprimis Episcopi, qui, ratione sue Jurisdictionis Episcopalis, Summan habent Præfecturam in omnia bona Beneficiorum sui Dioceesis; unde nascitur Jus cogendi Beneficiatos ad conficiendum Inventarium bonorum, ac Jurium Beneficiorum, quod deponatur & servetur in Chartulariis suis; Jus exigendi rationem bonorum Fabricarum; Jus assistendi rationibus reddituum Hospitalium; examinandi causas alienationum, hasque confirmandi, prout expedire duxerint.

Cùm Jus utrumque administrandi bona Ecclesiastica, sit Beneficiorum Appendix, pertinere solum debet